

*Die omgang van die aardse mens met die hemelse
Vader*

58 Toe hy dit hoor, word **Cyrenius** met groot eerbied vervul en sê: "Vriende en dienaars van JaHWeH, nou weet ek eers wie die Meester is, en wie ek is! Ek is totaal niks nie en Hy is eindeloos - alles! Ook verstaan ek nie ons menslike vermetelheid dat ons so onbekommerd met Hom kan praat asof Hy ons gelyke is nie!"

[2] **Beide engele** sê: "So wil Hy dit self hê, want die kinders het altyd alle reg om na hartelus met die Vader te praat! **Praat daarom nie oor dom dinge en omstandighede nie**, want by jou lê dit nie dat jy 'n mens is nie, maar slegs by Hom, wat jou so, soos wat jy is, uit Homself geskape het en Hom daarby deur niemand laat raad gee as slegs deur Homself nie. Hoe sou Hy dan ook iets aan 'n ander as slegs Homself kon vra, terwyl daar buite Hom geen enkele wese in die hele oneindigheid bestaan nie?!"

[3] As jy dus met Hom praat asof jou gelyke, doen jy heeltemal goed, want Elohim het niemand buite Homself waarmee Hy sou kon praat nie. Maar Sy skepsele, wat uit Hom voortgekom het, is so vry dat hulle nou met Elohim kan praat en Elohim met hulle, soos een mens met 'n ander, en daarom is dit volkome korrek dat jy met Hom praat asof jou gelyke; want die skepsel is sy Skepper werd en die Skepper Sy skepsel.

[4] Elke skepsel is 'n getuigenis van die Almag, Wysheid en Liefde van Elohim. Sonder Sy mag is ook die magtigste gees nie in staat om uit homself iets te skep nie; slegs Elohim kan dit doen! Maar omdat elke skepsel 'n getuigenis is van Sy goddelike Almag, Wysheid en Liefde, waarom sou hy dan nie sy Skepper werd wees nie? - Verstaan jy dit?"

[5] **Cyrenius** sê: "O buitengewoon wyse dienaars van die Almagtige Elohim, hoe helder en besonne is julle baie wyse lesse nie! Ja, so is dit! Die mens hoef hom regtig nie te skaam vir wat hy is nie, want hy is die waarste meesterwerk van die Skepper, as hy volgens die wil van Elohim wat in vryheid aanvaar is, leef. Maar as 'n mens teen die wil van Elohim handel, dan glo ek dat hy homself verknoei en nie meer voldoen aan dit wat hy in die begin was en vir ewig sal moet bly nie.

[6] **So is die sonde dan 'n handeling teen die oorspronklike orde van Elohim**, waardeur die mens self, as skepper van die deel wat in hom tot ontwikkeling moet kom, sy eie aan-Elohim-gelykmoet-word natuur verspeel en daardeur homself onwaardig maak om 'n skepsel van die Ewige Almagtige Meester te wees!"

[7] **Die engele** sê: "Daarin het jy heeltemal gelyk! Elke mens bly in soverre wel 'n waardige meesterwerk van Elohim, omdat hy deur sy vorm, deugdelikheid, kennis en lewende vryheid in 'n sekere sin 'n egte masjien is waarin die gees hom vry en lewend kan uitleef.

[8] **Maar wat betref die noodsaaklike morele ontwikkeling van sy hart en sy siel wat aan homself oorgelaat is**, kan hy homself egter verlaag tot 'n gedrog uit die hel en juis die grootste sonde begaan, deur in homself die grootste meesterwerk van Elohim te omvorm tot 'n onwaardige knoeiwerk vir die erbarmlike Elohim, waarop dit dan vir Elohim self weer baie moeite en onbegryplike geduld kos om van die verknoeiende werk weer 'n meesterwerk te maak.

[9] Vanweë die onnoemlike groot aantal werke wat hulleself verknoei het, het die Meester Self hierdie keer in hierdie wêreld gekom om die werke vir alle tye der tye in orde te kry! Maar die werke sal hulle ook in die vervolg bly bederwe, daarom sal Hy op hierdie wêreld 'n **nuwe instituut vestig** waarin alle bedorwe werke hulleself in orde kan bring. Maar wie uit vrye wil geen gebruik van die instituut wil maak nie, sal ewig bedorwe bly, tensy hy homself sal wil verander! Verstaan jy dit?"

[10] **Cyrenius** sê: "Dit verstaan ek ook heeltemal en juis daarom dink ek dat die mens die mense deur geselekteerde, maar streng wette moet aanspoor om van die instituut soveel moontlik gebruik te maak!"

[11] **Die engele** sê: "Dit sal wel gebeur, maar dit sal die mensdom weinig baat, **want slegs dit wat die mens vry uit homself doen, baat die mens**. Al die ander bring vir hom baie skade.

[12] Want as die mens deur een of ander dwang van buite af of van binne af volmaak sou kon word, dan sou ons meer as genoeg mag hê om alle mense so te bind en te dwing dat hulle onmoontlik ooit teen welke wet ookal sou kon ingaan! Maar daardeur sou ons van die mens wat in alle vryheid volledig aan-Elohim-gelyk-moet-word slegs 'n stomme, lewende masjien maak, wat homself net so min as ooit sou kon opwerk tot 'n doelmatige vrye werksaamheid – selfs al was so 'n skerp moontlike swaard van geregtigheid deur 'n geoefende hand vasgehou!

[13] Daaruit kan jy al baie duidelik sien dat met dwang dit dan ook nie kan gebeur nie. **Dit kan slegs gebeur deur die ware leer** en vervolgens deur in vrye selfbeskikking te handel en te wandel volgens die aangehoorde leer, wat orals aan elkeen die goed verligte weg van die goddelike orde openbaar. - Verstaan jy dit ook?"

Die menslike leerskool

59 **Cyrenius** sê: "Ja, dit verstaan ek jammerlik genoeg ook, want ek sien dat daar weinig goeds uit voortkom! Waar is die mense en hoeveel is daar, wat in staat sou wees om ook maar één les in hulle op te neem en te verstaan? En hoeveel is daar dan, selfs uit die aantal wat die onderrig gevolg het, wat sodanige sterkte wil het, dat hulle dit ontvang en goed verstaan en die leerstelling volledig in 'n daad kan omsit? Ek wed jou alles dat daar uit 'n duisend ingewydes, maar tien te vind sal wees wat die egte en regte wil en ook die benodigde moed besit om -

veral onder fanatieke bygelowige volksmassas - die gehoorde en goed begrypte leer uit te voer! Want wat sou hulle daaraan hê om die leer van die ewige, suiwere waarheid uit te voer as hulle dan die volgende dag al deur die selfsugtige en onmenslike fanatici op die pynlikste manier gewurg word?!

2] Julle is weliswaar oneindig wyse en magtige dienaars van die Allerhoogste, maar in dié geval sê ek as ervare staatsman: Heeltemal sonder enige dwang sal hierdie waaragtig goddelike lewensleer nooit maklik aanvaar word nie! Op die minste moet die ergste fanatieke bygeloof met die grootste moontlike onderdrukking verdrywe word, anders sou dit ewig jammer bly om haar ook maar 'n dagreis van hier uit te dra!

[3] Hier glo ons natuurlik ongetwyfeld rotsvas in die suiwere, ewige waarheid, wat vir ons so ryklik geopenbaar word, maar tog is hier sprake van enige dwang. Want julle altwee, en die Meester met Sy dade, is nou juis ook nie sulke geringe dwang-middele, waarsonder hier nie 'n duisend toehoorders en volgelinge van die leer by mekaar sou wees nie. Maar as die baie opmerkbare dwangmiddel nog steeds geen dooie masjiene van ons gemaak het nie, soos wat die verwerping voldoende laat sien, dan sou 'n uiterlike dwangmiddel die mense, wat hulle in die toekoms moet omvorm tot egte kinders van Elohim, ook hulle baie kwaad aandoen!"

[4] **Beide engele** sê: "Jy het in één opsig sekerlik gelyk, en uiterlike dwangmiddele sal ook nie agterweê bly nie, maar daarnaas sal jy ook tot die oortuiging kom dat 'n uiterlike dwang eintlik nog slegter is as 'n onsigbare innerlike! Want satan bedien hom ook van die uiterlike dwang om die kwade bygeloof in stand te hou. As ons ons egter by die uitbreiding van die hemelse leer ook van die kwade middele van die satan bedien en op die wyse in sy voetspoor tree, dan is die vraag - Wat kan ons daarmee vir die ewige heil van die mens wen?"

[5] Met vuur, swaard en baie bloedvergieting het die kwade bygeloof hom nog altyd die weg en die toegang tot die wêreld verskaf, maar as die suiwere woord van Elohim hom nou ook op dié manier toegang sou verskaf, sou dan ooit 'n mens, wat met 'n bietjie gees begenadig is, **dit as 'n woord van vrede van Elohim uit die hemel kon herken?** Sou hy nie moet sê: 'Elohim, is dit vir U dan nie voldoende dat die mensdom vreeslik deur die satan geplaag word en moet U, Almagtige, nou óók nog op sataniese manier die arme en swakke mense benader?"

[6] Kyk eers, liewe vriend en broer, hoe ongerymd dit sou wees as Elohim die Meester Hom vir die uitbreiding van Sy leer onder die mense, ter wille van hul ewige heil Hom ooit van sulke middele sou wou bedien, terwyl die hel haar altyd daarmee bedien het om haar harde vrugte en voedsel by die mense in die wêreld voor te stel!

[7] Ja, eendag sal daar, jammer genoeg, tye kom waarin die mense die verontreinigde leer van JaHshua die Meester, **met vuur en met swaard aan die volke sal predik**, maar dit sal 'n groot ramp vir die mense wees! - Verstaan jy dit?"

[8] **Cyrenius** sê: "Dit verstaan ek tot my spyt ook en tog vra ek of sulke uiterlike rampe deur die Almagtige hemele nie voorkom kan word en waarom trouens die bose ooit eenmaal volledige toegang tot hierdie wêreld moes of mag gegee word!"

[9] **En beide** sê: "Liewe vriend en broer, as jy enige wysheid het, oordeel dan self of daar sonder 'n téén ooit 'n vóór kan wees! Waar het 'n mens ooit sonder stryd 'n held geword? Sou daar ooit by die mense oorlog gekom het as daar by hulle slegs maar vrome lammetjies was? Of sou jy ooit jou krag kon uitprobeer as daar geen voorwerpe was wat jou krag kon weerstaan nie? Sou daar ooit 'n bo kon wees as daar geen benede was nie? Of sou jy iemand iets goeds kon aandoen as daar nooit iemand is wat hulp nodig het nie? Wat is dan 'n goeie daad, as niemand behoefte daaraan het nie? Of sou jy 'n alwetende ooit iets kon leer wat hy nie alreeds weet nie?"

[10] Kyk, in 'n wêreld waar 'n mens homself moet vorm tot 'n ware kind van Elohim, moet daar aan hom ook alle moontlike goeie en kwade geleenthede ten dienste staan om die leer van Elohim volledig te kan uitprobeer!

[11] Dit moet warm en koud wees, sodat dit die ryke geleentheid verskaf om sy arme en naakte broer van klere te voorsien. So ook moet daar armes wees, **sodat die ryke hom ook in die barmhartigheid en die arme hom in die dankbaarheid kan inoefen**. Eweso moet daar sterkes en swakkes wees, om die sterkes geleentheid te gee om die swakkes te ondersteun, en om die swakkes in die nederigheid van hul harte te laat erken dat hulle swak is. So moet daar in 'n sekere opsig ook dommes en wyses wees, omdat die lig van die wyses anders vir niks sou wees nie!

[12] As daar geen slegtes was nie, waaraan sou die goeie dan gemeet kon word of, in hoeverre hy werklik goed was?!

[13] Kortom, in die instituut vir selfontwikkeling van mense tot vrye kinders van Elohim moet daar vir hulle soveel moontlik vir- en teen-situasies voorkom, **waardeur die kinders hulle grondig in alles kan oefen en ontwikkel**, omdat hulle anders onmoontlik ware, almagtige kinders van die Allerhoogste sou kon word!

[14] Neem maar van ons aan: Solank 'n mens nie by alle moontlike sake en omstandighede met sy hele mag die satan van die gevegsterrein verdrywe nie, is hy nog nie volledig 'n kind van Elohim nie! Maar hoe sou hy ooit die oorwinnaar van hierdie vyand kon word as mens alle geleentheid ontnem sou word om ook maar net met 'n haar van die vyand in aanraking te kom? **Ja, die ware Ryk van Elohim kos baie stryd ter wille van die algehele vryheid van die ewige lewe**, en daarom moet julle tussen hemel en hel geleentheid kry om te veg!"